



O Xurado Provincial de Clasificación de Montes veciñais de Pontevedra, dictou a seguinte **RESOLUCIÓN**:

ASISTENTES

PRESIDENTE

D. Gonzalo Constenla Bergueiro
(Delegado Provincial da Consellería do Medio Rural)

VOCAIS

D. Víctor Abelleira Argibay
(Avogado polo Colexio da provincia)
Dña. M^a Jesús Novoa Suárez
(Letrado da Asesoría Xurídica da Xunta, exercendo amáis as funcións de secretario)

Na cidade de Pontevedra, sendo as dezasete horas do día vinteseite de febreiro do 2008, coa asistencia das persoas ó marxe reseñadas, reúnese na 4^a planta do edificio sito no nº 47 da rúa Benito Corbal o Xurado Provincial de Clasificación de Montes Veciñais en Man Común ó obxecto de decidir sobre a clasificación do monte "Monte Aberto – Lombo D'Arca", da CMVMC de Ribadetea, do concello de Ponteareas

ANTECEDENTES DE FEITO

VOCAIS REPRESENTANTES DA
CMVMC DE RIBADETA, CONCELLO
DE PONTEAREAS

D. Ramón Rico Barbeito
D. Jaime Amil Ucha

PRIMEIRO.- Con data de entrada 07/03/07, D. José Amoedo Sotelino, na súa condición de presidente da CMVMC de Ribadeta, do concello de Ponteareas, e en representación da mesma, presenta solicitude de iniciación de expediente de clasificación do monte denominado "Monte Aberto – Lombo D'Arca" como veciñal en man común para os veciños da parroquia de Ribadetea, acompañando informe técnico e pericial, describindo o monte, identificación, superficie, ocupacións e lindeiros

SEGUNDO.- O Xurado Provincial de Montes en Man Común acordou, na súa sesión de 26/04/07, incoar o correspondente expediente de clasificación do devandito monte a prol da CMVMC de Ribadetea, do concello de Ponteareas



TERCEIRO.- O rexistrador da propiedade de Pontearcas, certifica con data 02/10/07, que o monte solicitado non aparece inscrito a nome de persoa algunha

CUARTO.- Á vista da documentación aportada polo solicitante e o informe do Servizo de M.I.F. o monte obxecto do presente expediente, obedece á seguinte descrición:

CONCELLO: PONTEAREAS

PARROQUIA: RIBADETEA

NOME DO MONTE: “Aberto – Lombo D’Arca”

Cabida: 5,77 Has. (superficie alegada na solicitude)

Lindes:

Norte: Predios particulares de Benigno Sobral Domínguez, Estrella Lavandeira Amil, Delfín Gándara Rodríguez, Angel Otero Iglesias, Carmen Alvarez Ferreira, Bienvenida Abal Lorenzo, Amalia Sabino Camiña, Margarita Areal Táboas e camiño

Sur: Predios particulares de José Domínguez, Edelmiro Covelo Domínguez, Manuel Amil Lorenzo, Manuel Columna Francisco, José Estévez Ucha, Rosa Toucedo Lorenzo, Estrella Domínguez Lorenzo, Heliodora Fernández Ucha, Feliciano Graña Otero, Antonio Lage Touceda, Jesús García Farrapeira, Cesareo Areal Alvarez e Lealdina Otero

Leste: Predios particulares de Jesús García Farrapeira, Carmen Fernández Graña, Daniel Lorenzo Otero, Estrella Domínguez Lorenzo, Natalina Ucha, Bienvenida Abal Lorenzo, Benigno Sobral Domínguez, Jesús García Farrapeira, Consuelo Amil Lorenzo, Constante González González, Gregorio Lemos Ucha, Gregorio Domínguez Táboas, Francisco Boente Francisco e Ascensión Alvariño

Oeste: Predios particulares de Clemente Martínez Fraga, Celia Alvarez, Celia Fernández Lorenzo e M^a Angeles e José Otero Fernández

QUINTO.- Realizadas as comunicacións do artigo 23 do Decreto 260/1992, do 4 de setembro, e aberto periodo de audiencia, non se presentan alegacións

FUNDAMENTOS DE DEREITO

Primeiro: O Xurado Provincial de Clasificación de Montes Veciñais en Man Común ten a competencia para coñecer os expedientes de clasificación dos montes que teñan tal carácter a tenor do establecido no artigo 9 da Lei 13/1989, do 10 de outubro, de montes veciñais en man común.

Segundo.- De conformidade co artigo 1 da Lei 13/1989 do 10 de outubro, de montes veciñais en man común, e no artigo 1 do Decreto 240/1992 do 4 de setembro comprende por montes veciñais en man común “... os terreos radicados na Comunidade Autónoma de Galicia que con independencia da súa orixe, as súas posibilidades productivas, o seu aproveitamento actual e a súa vocación agraria pertencen a agrupacións veciñais na súa calidade de grupos sociais e non como entidades administrativas, e os veñan aproveitando consuetudinariamente en réxime de comunidade, sen asignación de cuotas, os membros daquelas na súa condición de veciños”.

Así, segundo abundosa xurisprudencia, o feito que xustifica a clasificación ou non como vecinal dun determinado monte, en vía administrativa, é a circunstancia de terse ou non demostrado o aproveitamento consuetudinario en man común, prescindindo das cuestións relativas á propiedade e demais dereitos reais.


Terceiro.- O uso en man común do monte solicitado tense suficientemente acreditado pola documentación aportada polos solicitantes e polo informe do Servizo de Montes e Industrias Forestais de data 18/08/07 (Folio 58 do expediente).

En consecuencia, vista a Lei galega 13/1989, do 10 de outubro, de Montes Veciñais en Man Común e o seu Regulamento, aprobado por Decreto 260/1992, do 4 de setembro, e demais preceptos legais e regulamentarios de xenérica e específica aplicación, propónse polo Instructor e de maneira unánime o Xurado **ACORDA:**

CLASIFICAR como veciñal en man común o monte denominado “Monte Aberto – Lombo D’Arca”, a prol da CMVMC de Ribadetea, do concello de Pontearreas de acordo coa descrición reflectida no feito cuarto e a planimetría elaborada ó efecto polo Servizo de Montes e Industrias Forestais que forma parte inseparable da presente Resolución

Contra a presente Resolución que pon fin á vía administrativa, poderase interpoñer recurso de reposición con carácter potestativo perante o Xurado Provincial de Clasificación de Montes Veciñais en Man Común de Pontevedra no prazo dun mes, ou ben interpoñer directamente recurso contencioso-administrativo perante o Xulgado do Contencioso-Administrativo de Pontevedra no prazo de dous meses contados dende o día seguinte ó da presente notificación, de acordo co disposto no artigo 116 da Lei 30/1992, do 26 de novembro, de Réxime Xurídico das Administracións Públicas e do Procedemento Administrativo Común, modificada pola Lei 4/1999, do 13 de xaneiro, e nos artigos 8 e 46 da Lei 29/1998, do 13 de xullo, reguladora da Xurisdicción Contencioso-Administrativa





Handwritten signature in blue ink.